



UNIVERSITÄTS-  
BIBLIOTHEK  
PADERBORN

**COLLATIO-||NVM SACRARVM|| LIBRI VIII.|| Tilmanni  
Bredenbachij S. Th. D.||**

**Bredenbach, Tilmann**

**Coloniae Agrippinae, 1592**

**VD16 B 7378**

62. De quodam Antwerpiensi in Ven. Patres societatis Iesu recenter vrbe  
eiectos contumelioso, eiusq[ue] diuina vltione.

---

[urn:nbn:de:hbz:466:1-65002](https://nbn-resolving.org/urn:nbn:de:hbz:466:1-65002)

det humi palpitantem, & cum morte certantem, & paulò post expirantis guttur fractum, ouo nunc instar tuberis intercutanei in altero colli latere, & non in faucibus residenti. Hæc ego ad verbum scribo ex ore ipsius Parochi, Domini Antonij Vorstensis, qui apud Nouiomagenses curam gessit animarum annis 26. & amplius magna cum laude, vsque ad extremos furores Geusiorum, Parochus pariter & Canonicus ibidem: in præsens autem ob verbi diuini gratiam & bonitatem suam Catholico Resensium gregi gratissimus pastor. Miraculum istud nulla vnquam obliuione obliterandum, non sermone tantum omnium ferè Belgij habitatorum, verùm etiam publico carmine celebratur, quod ab omnipotente misericordia Dei profectum creditur, ad constabiliendam Catholice fidei veritatem, quo tempore grauissima imminebat persecutio.

*De quodam Antuerpiensi in Ven. Patres Societatis IESV recentè vrbe eiectione contumeliosa, eiusque diuina yllione.*

## CAP. LXII.

**V**Ir quidam doctrina & pietate spectatissimus nuper Antuerpia ad nos persecutus, quod cum Ven. Patres Societatis IESV è Collegio suo recentè istuc antea erecto, factiosorum hominũ opera eiectione, vrbeque excedere iussi essent, totaque iam Collegij domus vacua esset ac desolata, quidam Caluini-

sticæ





hæc factionis sectator in eam se proripuit, & colligati straminis fasciculum, (qui ædibus pestis contagio infectis appendi consuevit) è fenestra suspendit, in derisum & cõtumeliam Patrum, moxque alius quidam eiusdẽ factionis, ostium pulsauit: alter verò qui fasciculum suspenderat, Quid, inquit, hic pulsas: videtne insignis pestilentie: vniuersi hic peste sunt sublari. Eodem die pestis domum istius irrisoris inuasit, cum tamen ante nulla circumquaque esset pestis contagio.

*De quibusdam factiosis, qui cum sacris Litaniis & sacerdotibus insultassent, de quæ eorum exsilio festum diem agerent, diuinam persenserunt vliionẽ.*

## CAP. XLIII.

Circa idem tempus, cum Antuerpiæ in platea cochlearia vulgò appellata, plerique rerum nouarum studiosi conuenissent, diemque festum agerent ob Patres Societatis IESV urbe submotos, ac pernã bene elixam in medium plateæ adferentes, læti epularentur, ac deinde ad choreas, & tripudia sese dederent, ecce paulò post, istius plateæ habitatores tanta inuasit pestis, vt circiter 40. ea lue statim exstinguerentur, inter quos & capitaneus, & præcipui incolæ istius loci fuerunt. Idem quoque paucos ante menses, Catholicos scommatibus & dicterijs diuexarant, cum iuxta antiquissimum totius Ecclesiæ Catholicæ ritum, in diebus Rogationum ab æde sacra D. Michaelis